

## REDOSLIJED NAMIRENJA POVJERILACA U STEČAJNOM POSTUPKU PROGLAŠEN NEUSTAVNIM

Ustavni sud FBiH je zaključio kako je redosljed namirenja potraživanja radnika u stečajnom postupku neustavan.

Sud je presudom U-27/15 oglasio neustavnim članove 33. i 40. Zakona o stečaju FBiH (Službene novine FBiH, br. 29/03, 32/04 i 42/06), čime je značajno promijenjen redosljed namirenja povjerilaca u stečajnom postupku.

Potraživanja radnika u stečajnom postupku su dosada bila smještena u viši isplatni red u FBiH, u kojem se namiruju nakon potraživanja koja potiču iz perioda privremene uprave i koja nisu mogla biti namirena od strane privremenog upravnika ili stečajnog upravnika. Troškovi stečajnog postupka i dugovi stečajne mase su svakako imali prioritet namirenja ispred povjerilaca višeg isplatnog reda.

Čak i u okviru takvog isplatnog reda puno namirenje potraživanja radnika bilo je dvostruko ograničeno, i to:

- ograničenjem iznosa plaće, i to na iznos najniže plaće obračunate prema Opštem kolektivnom ugovoru za teritorij FBiH (uz doprinose), i
- vremenskim ograničenjem, odnosno mogućnošću namirenja plaće samo za posljednjih osam mjeseci do dana otvaranja stečajnog postupka.

Međutim, od 20. januara 2017. godine, kada je presuda Suda objavljena u Službenim novinama FBiH, redosljed namirenja i isplatni redovi se značajno mijenjaju. Naime, Sud je odlučio da je namirenje potraživanja radnika u stečajnom postupku tek nakon namirenja troškova stečajnog postupka i dugova stečajne mase, kao i namirenja potraživanja koja potiču iz perioda privremene uprave neustavno. Neustavnim je takođe proglasio i vremensko ograničenje, kao i ograničenje iznosa plaće. Stoga je članove koji regulišu namirenje troškova stečajne mase i viši isplatni red proglasio neustavnim.

Od 20. januara 2017. godine osporeni članovi se ne mogu više primjenjivati. Međutim, postavlja se pitanje na koji način odrediti redosljed namirenja, obzirom da osporene odredbe više ne proizvode pravni učinak.

Pritome, Ustavni sud FBiH nije iskoristio mogućnost donošenja prijelaznog rješenja (koje bi važilo u periodu ne dužem od šest mjeseci od objavljivanja presude) i koje bi omogućilo Parlamentu FBiH da na odgovarajući način reaguje i uskladi osporene odredbe Zakona o stečaju FBiH sa Ustavom FBiH. Parlament će se uskoro svakako izjašnjavati o nacrtu novog zakona o stečaju, pa je za očekivati da redosljed namirenja bude drugačije uređen.

**O WOLF THEISS-u**

Wolf Theiss je jedna od vodećih konsultantskih firmi u srednjoj, istočnoj i jugoistočnoj Evropi. Izgradili smo reputaciju kombinirajući poznavanje lokalnih prilika i snažnu sposobnost poslovanja na međunarodnom nivou. Otvorili smo prvi ured u Beču prije gotovo 60 godina. Naš tim danas okuplja preko 340 pravnika koji imaju raznoliko iskustvo i koji rade u 13 ureda na području srednje, istočne i jugoistočne Evrope. Ukoliko imate pitanja za nas, ne oklijevajte kontaktirati naše stručnjake:

**Naida Čustović**

Advokat u saradnji sa Wolf Theiss-om  
[naida.custovic@lawoffice-custovic.com](mailto:naida.custovic@lawoffice-custovic.com)  
T: +387 33 953 460

**Jasmin Omerdić**

Stručni saradnik  
[jasmin.omerdic@wolftheiss.com](mailto:jasmin.omerdic@wolftheiss.com)  
T: +387 33 953 440

Ovaj memorandum pripremljen je u svrhu pružanja opće informacije te ne predstavlja pravni savjet.

Slijedom toga, WOLF THEISS ne prihvaća nikakvu odgovornost za bilo čije djelovanje ili propuštanje, na bilo koji način, a koje je utemeljeno na informacijama sadržanim u ovom memorandumu.

Ako želite saznati više o temi ovog memorandum ili općenito o našim uslugama, molimo Vas da se obratite na gore navedene kontakte ili na:

Wolf Theiss d.o.o. Sarajevo  
Zmaja od Bosne 7/III  
71000 Sarajevo  
Bosna i Hercegovina  
Tel.: +387 33 953 444  
Fax: +387 33 953 445  
[www.wolftheiss.com](http://www.wolftheiss.com)